



Senin, 06 Mei 2024

Ogen : Kejadin 21:5-6



Tawa ras aku



Tawa umumna ilakoken enterem jelma nuduhken keriahen ukurna. Amin pe si tuhuna keriahen ukur ras tawa, sada polemik si sulit si idatken i bas sada konsensus, payo nge kalak tawa terjeng sangana ia meriah ukur? Kepeken lang! Erkiteken pengalamen sesekalak jelma banci erbansa maka tawa e labo erkiteken keriahen saja. Lit piga-piga alasen si erbahansa jelma tawa. Kinatana, sesekalak banci tawa erkiteken ketidakberuntungan ntah nasib buruk i bas ia. Lit paksana sesekalak tawa justru i bas pengalamen si pagit si mustahil iekspresiken secara verbal tapi terjeng alu tawa. E maka labo banci ipeseri kerina makna tawa i bas sekalak jelma.

Sara tangtangna tawa asum Abraham ngalo-ngalo temue si telu kalak (Kej.18: 12-13) si ngatakensa man Abraham maka siwah bulan nari ipupus Sara sekalak anak dilaki. Tawa Sara, si labo ncidahkan keriahen ukur tapi nasib buruk ntah la sangap i bas dirina. Sabap ia pe sedar enggo metua.

Tapi i bas pengogenta sendah tawa Sara e me tawa keriahen ukur sabap nggo tubuh man bana ras Abraham sekalak anak dilaki si tergelar Isak. Kai akapna si metahat, jadi si maba keriahen ukur man Sara. Igejapkenna maka Dibata me si maba keriahen ras pertawan i bas kegeluhenna. Tawa si tangtangna ncidahkan nasib buruk salih jadi tawa si encidahkan keriahen. E maka keriahen ras pertawan Sara e jadi kesaksin maka kalak pe pasti meriah ukur ras tawa ras Sara adi megri ras ngidah kerna kejadiin si luar biasa bas kegeluhenna.

Tawa lit i bas dua dimensi e me keriahen ukur bage pe ras nggejapken nasib buruk ntah ketidakberuntungan i bas geluh enda. Tapi adi bas Tuhan labo lit tawa nasib buruk ras ketidakberuntungan. Si lit e me tawa erkiteken keriahen ukur nge ngenca. Sabab Tuhan tetap nge masu-masu dengen nehken kai si enggo ipadankenNa man kalak si tek man baNa. Me tek kita kerna padan Tuhan e? Janah me meriah ukurta adi kita nggeluh i bas Tuhan?